



Na osnovu člana 95. Statuta Općine Travnik (Prečišćeni tekst "Službene novine Općine Travnik", broj 11/05) i Odredbi Programa utroška sredstava iz Budžeta Općine Travnik subvencije za podsticaj razvoja poduzetništva i obrta u 2025. godini, Općina Travnik raspisuje:

**JAVNI POZIV
za dodjelu sredstava iz Budžeta Općine Travnik- Subvencije za podsticaj razvoja,
poduzetništva i obrta za 2025. godinu**

I PREDMET

Program utroška sredstava iz budžeta Općine – Subvencije za podsticaj razvoja, poduzetništva i obrta za 2025 g. temelji se na odobrenim sredstvima za ovu namjenu u Budžetu Općine Travnik za 2025.g sa pozicije „Subvencije za podsticaj razvoja, poduzetništva i obrta“.

Raspoloživi iznos sredstava za subvencije podsticaja razvoja, poduzetništva i obrta u 2025. godini je 100.000,00 KM.

Podsticajna sredstva namijenjena su za sufinansiranje unapređenja rada obrtničke djelatnosti u iznosu od 2.000,00 KM do 5.000,00 KM po korisniku.

Komisija će definisati iznos sredstava po korisniku shodno broju prijava koje ispunjavaju kriterije Javnog poziva.

II KRITERIJI

(1) Kriteriji za dodjelu poticajnih sredstava su:

a) Opći kriteriji

- Da je obrtnička djelatnost registrovana u skladu sa Zakonom o Obrtu i srodnim djelatnostima u Federaciji Bosne i Hercegovine („Službene novine Federacije BiH“, broj:75/21).
- Da je sjedište obavljanja obrtničke djelatnosti na području Općine Travnik
- Da je djelatnost, za fizička lica koja istu obavljaju u skladu sa Pravilnikom o popisu obrta („Službene novine Federacije BiH“, broj 42/22), registrovana kao osnovno zanimanje
- Da je djelatnost za fizička lica koja istu obavljaju u skladu sa Uredbom o zaštiti tradicionalnih i starih zanata („Službene novine Federacije BiH“, broj 28/22) registrovana kao osnovno zanimanje.
- Da imaju otvoren i aktivan račun u banci, koji se vodi na ime registrovane djelatnosti.

b) Posebni kriteriji

Kriterij	Broj bodova	
Registracija obrta	Novo registrovani obrt	10 bodova
	Registrovani obrt	5 bodova
Broj zaposlenih	Po svakom zaposlenom dodjelit će se 5 bodova	
Pripadnost ciljanoj skupini	Marginalizirane skupine žene i mladi ispod 35 godina starosti	10 bodova
	Ostale skupine	0 bodova

III PRAVO UČEŠĆA

Pravo učešća u Javnim pozivima po ovom Programu imaju sva lica koja su registrovala ili koja će registrovati obrtničku djelatnost kao osnovno zanimanje na području Općine Travnik u skladu sa Zakonom o obrtu i srodnim djelatnostima u Federaciji BiH („Službene novine Federacije BiH“, broj 75/21), Uredbom o zaštiti tradicionalnih i starih zanata („Službene novine Federacije BiH“, broj 28/22) i Pravilnikom o popisu obrta („Službene novine Federacije BiH“, broj 42/22).

Aplikant može podnijeti samo jedan zahtjev za sredstvima.

IV IZUZEĆE OD PRAVA NA PODSTICAJ

Podsticaj po ovom programu ne može se dodjeliti za:

- a) Organizaciju igara na sreću, kockanja i klađenja,
- b) Proizvodnja i prodaja duhanskih proizvoda
- c) Proizvodnju i prodaju alkoholnih pića
- d) Ostale djelatnosti koje nisu registrovane u skladu sa Zakonom o obrtu i srodnim djelatnostima u Federaciji BiH („Službene novine Federacije BiH“, broj 75/21), Uredbom o zaštiti tradicionalnih i starih zanata („Službene novine Federacije BiH“, broj 28/22) i Pravilnikom o popisu obrta („Službene novine Federacije BiH“, broj 42/22).

IV DOKUMENTACIJA

Za ostvarivanje predmetnih podsticaja kandidati su uz prijavu na Javni poziv dužni dostaviti sljedeću dokumentaciju:

- Rješenje Općine o registraciji obrta (Odnosi se na već registrovane obrte)
- Prijedlog projekta koji treba da sadrži: naziv projekta, opis projekta, opis plana realizacije, planirano novo zapošljavanje, vlastito sufinansiranje i sve druge elemente od značaja za realizaciju projekta (obrazac je dostupan na službenoj web stranici Općine Travnik)
- Uvjerenje o poreznoj registraciji (identifikacijski broj:ID broj)
- Listu osiguranih lica izdatu od Porezne uprave (Odnosi se na već registrovane obrte)
- Izjavu o saglasnosti za obradu podataka (dostupna na web stranici općine ili protokolu Općine Travnik)
- Uvjerenje Porezne uprave da obrtnik nema obaveza po osnovu poreza
- Ovjerenu izjavu da će nakon odobranja poticajnih sredstava, registrovanu djelatnost održavati u trajanju od najmanje 12 mjeseci od dana potpisivanja Ugovora o realizaciji Programa, a o čemu će se vršiti provjera uvidom u Registar djelatnosti koji se vode u Općini. Poduzetnici koji se odjave prije isteka roka od 12 mjeseci dužni su da vrate dobivena sredstva,
- Ovjerenu izjavu o broju radnika koje će uposliti u periodu trajanja Ugovora potpisanog u skladu sa ovim Programom

Dostavljeni dokumenti mogu biti originalni dokumenti ili ovjerene kopije ne starije od tri mjeseca.

V ROKOVI ZA PODNOŠENJE PRIJAVA

Javni poziv za dodjelu sredstava iz budžeta Općine Travnik- subvencije za podsticaj razvoja poduzetništva i obrta za 2025. godinu ostaje otvoren 15 dana od dana objavljivanja.

Prijave na Javni poziv sa potrebnom dokumentacijom predaju se na protokol Općine Travnik ili putem pošte na adresu:

Općina Travnik
Služba za razvoj, privredu i vanprivredu
Ul. Konatur bb
72270 Travnik

Prijave se podnose u zatvorenoj koverti sa naznakom „Prijava na javni poziv za dodjelu sredstava iz Budžeta Općine Travnik - subvencije za podsticaj razvoja poduzetništva i obrta za 2025 godinu“ sa naznakom „Ne otvaraj“.

Nepotpune i neblagovremene prijave neće se uzimati u razmatranje.

Liste odabranih korisnika bit će objavljene na oglasnim pločama i web stranici Općine Travnik.

Broj: 01- 04-25-1244/25 -1

Datum: 22.10.2025. godine

N A Č E L N I K

dr.sci, Kenan Dautović,

PO OVLAŠTENJU NAČELNIKA
SEKRETAR OPĆINE

Anela Dautović



